

奏為據報臺地近日情形並臣葆楨起程日期恭摺馳陳仰祈
聖鑒事竊臣等於本月十九日業將會籌臺灣大概情形

頭品頂戴閩浙總督兼署福建巡撫臣文煜
福州將軍兼管閩海關臣沈葆楨跪
總理船政頭品頂戴江西巡撫臣

奏明在案二十三日奉

上諭福建布政使潘蔚著馳赴臺灣幫同沈葆楨妥為籌畫會商

文煜李鶴年及提督羅大春等相機辦理等因欽此二十五日

臣文煜臣鶴年接臺灣道稟稱委員華廷錫報倭人於十八

日分三路進攻番社一由風港一由石門一由四重溪每路

約五六百人生番不敢拒敵紛紛逃倭人即將牡丹社高士

佛社加芝成社竹仔社焚燒刻尚屯踞牡丹社聞有攻葛仔



用社之說岸上約倭兵二千餘名海口尚有輪船三隻瑤瑤
 蘭通判洪熙恬報該轄蘇灣一帶自上年以來常有倭人來
 往本月初三日有日本船一號駛往後山沿海而去船內備
 元糖酒罌咬等物聲稱欲與生番聯和在後山起馬頭做生
 理月內尚有輪船要來其倭人劉穆齋久往艋舺船主必老
 係美國人所僱各手均於後山一帶港路頗熟等語查倭人
 垂涎台地成竹在胸臣鶴年按照條約阻其進兵置之不覆
 據理而論不能不張撻伐之威然目前之取勝非難而事後
 則兼籌匪易彼尚有利器以圖再舉我更無奇策以善將來
 兵端一開則購備諸西洋者均為之窒只得俟臣葆楨抵台

後邀集各國領事使之公評曲直現在安瀾飛雲伏波萬年
 清濟安各輪船續到關臣葆楨定於五月初一日先帶安瀾
 飛雲東渡留波以待臣蔚萬年清留防關省海口濟安尚須
 加修理聽候調撥謹合詞由驛六百里密陳伏乞
 皇上聖鑒訓示此摺係臣葆楨主稿合併陳明謹

奏

同治十三年五月十一日奉

硃批

欽此

